

河間府新志卷之二

輿地志

郡縣沿革

漢高祖天下初定以須昌侯趙衍東陽武侯張相如先後繼爲河間守旣而置涿與渤海郡因秦武垣之舊爲縣而中水高郭景成東州之名以次見矣若夫河間建國始自孝文立趙幽王弟遂爲趙主而別分趙河間地四縣曰樂成侯井武隧弓高爲遂弟辟疆之封辟疆傳子哀王死而國除王遂欲復得河間詔以河間地還趙至孝景帝復爲國

河間府志

卷之二

沿革

一

以封其子則河間獻王者也漢武置十三州刺史以統郡國涿渤海河間皆屬幽州刺史而冀州刺史所部復有清河郡清河之厝東武城繹幕與信都國之修觀津於河間國尤稱輔轂焉

光武中興封劉劭王河間未幾以王封不應經義降爲樂成侯并省郡國而河間入於信都孝和帝永元三年封孝章皇帝子開爲王以涿渤海之縣益之凡十一城於是河間復建國

魏晉因漢舊封亦爲河間國魏黃初三年曹幹爲河間王晉咸寧二年司馬顥自太原改封河間晉八

王之一也然晉渤海郡統東光阜城修及東生陸  
而東州東武城則分屬章武清河侯國

後魏初爲河間郡太和十一年分冀定二州之地置  
瀛州於武垣縣之趙都軍城河間郡隸焉其隸瀛  
州者又有章武郡領鄭與東州其東光東安陵屬  
渤海郡阜城屬武邑東武城屬清河皆冀州部也  
通考云後魏初以河間改屬於定州宋白續通典  
云取瀛海爲名故曰瀛州

隋文大定區宇一新典制盡廢天下之郡惟置州以  
領縣而瀛州之名仍于後魏至大業初煬帝廢州

河間府志

卷之二

沿革

二

復爲河間郡

唐初河間爲竇建德所據武德四年建德平乃如魏  
隋之制稱瀛州元宗天寶四年復曰河間郡肅宗  
乾元元年又稱瀛州唐初分天下爲十道瀛州屬  
河北道長慶元年置瀛莫觀察使

宋初瀛州號關南地置都部署屯重兵至道三年置  
高陽關路安撫使統瀛莫雄冀等州賜號瀛海軍  
大觀二年陞爲府宋時河間與太原中山並爲三  
鎮

金河間府爲河北東路天會七年置總管府正隆

陞爲河間府置瀛海軍節度使

元至元二年置河間府路總管府爲燕趙河北道肅政廉訪司所治後直隸中書省

明河間府洪武元年十月置初屬河南行省二年改屬北平行省九年改行省爲承宣布政司使府屬北平布政司永樂元年罷布政司河間府直隸北京

國朝初沿明制府所屬者州二縣十六順治十六年省興濟入青縣凡二州十五縣雍正二年設直隸布政司使領諸府九年陞天津州爲府分割河間河間府志

卷之二

沿革

三

諸縣以隸之於是青縣滄州靜海南皮鹽山慶雲皆往屬今所領者州一縣十

河間	獻縣	阜城	肅寧	任邱	交河
寧津	景州	吳橋	東光	故城	

河間

秦武垣縣漢以武垣隸涿郡又有東州州鄉東漢以武垣東州爲河間國封地晉武垣仍屬河間而東州改爲章武國北魏因之隋大業初廢瀛州爲河間郡始置河間縣附於郡郭省武垣入焉又改東州爲東城武周如意元年析東城爲二縣置武

興縣神龍元年更名唐興或曰唐武德四年復分  
河間置武垣貞觀中罷之宋熙寧六年省東城爲  
鎮元明如之今河間仍爲附郭縣明史云河間倚  
西南有滹沱河西有滹水東南有景和鎮巡檢司  
漢州鄉在於縣東北四十里東州今縣東六十里

### 獻縣

樂成漢始置縣爲河間王都又有阿武景成東漢  
爲樂成又爲樂陵或云桓帝追尊祖父河間孝王  
以邑奉山陵故名樂陵矣晉時仍爲河間國治後  
魏移河間郡治於武垣而以縣屬之隋開皇十八

### 河間府志

#### 卷之二

沿革

四

年改縣曰廣成未幾又改樂壽隋唐皆隸瀛州大  
歷中改屬深州唐常析樂壽爲景成或曰隋所置  
卽漢之成平也宋至道三年省景成入樂壽縣仍  
屬瀛州金天壽七年陞縣爲壽州大德三年以河  
間獻王故改獻州樂壽交河二縣隸焉元初廢州  
爲樂壽縣尋復爲州明初省樂壽入獻州洪武七  
年改州爲獻縣今縣仍隸河間府明史云獻縣有  
滹沱河流經縣南至清縣合衛河入海有單家橋  
巡檢司漢時阿武在今縣西北三十九里景成在  
今縣東九十里

阜城

阜城本漢渤海郡所領後爲信都王國封邑東漢爲安平國封邑晉復以隸渤海郡北魏以屬武邑隋以屬河間唐以屬冀州唐末改曰漢阜五代漢復爲阜城宋以隸永靜軍卽景州也金元並如宋制屬景州明洪武七年隸河間府今爲府屬如故明史云阜城西北有衡漳水世名胡盧河

肅寧

本漢阿武地隋唐爲河間縣地宋雍熙初置寧虜砦景德二年改爲肅寧城金陞爲縣屬河間府元

河間府志

卷之二

沿革

五

至元二年廢爲鎮入河間縣尋復爲縣屬河間路明屬河間府今因之明史肅寧有中堡河在縣東北

任邱

戰國時燕之鄭邑也漢置鄭阿陵高郭三縣涿郡太守領之東漢改鄭屬河間國晉如之北魏如之隋如之隋分鄭置縣是爲任邱旋并入高陽唐高祖復置任邱至景雲二年置鄭州領任邱是爲文安郡宋鄭州領任邱鄭熙寧中省鄭入任邱金宣宗時省鄭州與任邱而置鄭亭縣元初復置鄭州

置任邱縣已而省入河間後復置如前明洪武元年存任邱縣而廢鄭州今縣隸河間如故初唐太宗以鄭與鄭似乃去邑用莫後遂從之明史云任邱瓦濟河其下流爲五官淀注於滹沱北有鄭州金元莫亭所治漢時阿陵在今縣東北二十里高祖功臣項侯郭亭光武功臣任光封國高郭今縣西十七里河間獻王子劉瞻封國

### 交河

舊志以爲漢中水地金大定七年以獻州石家圈地始置爲縣元隸獻州明改隸河間今如之考獻

### 河間府志

#### 卷之二

沿革

六

縣志云漢中水城在縣西北三十里交河在獻縣東南五十里相去較遠恐非其實惟交河東南至東光縣四十六里東光西北二十里有弓高舊城其地去交河不過二十里餘耳交河東北至景成六十里景成南二十里有漢成平故城今交河有景成南鎮爲漢弓高景成建成地以此考較之則在漢時乃三縣之地而非中水也明史云交河有衛河流經縣東過滄州入海西北有高河流經縣南合滹沱下流入於衛河縣東有泊頭司巡檢

### 寧津

本漢東光臨樂二縣地屬渤海郡後漢省臨樂晉於其地置新樂縣地屬樂陵國後魏隋並省隋開皇十六年因漢東光有胡蘇亭而置胡蘇縣屬平原唐仍胡蘇縣而移屬觀州又改屬滄州天寶初更名臨津貞元長慶太和景福之時或景或滄屢爲移屬宋神宗熙寧六年省入南皮縣後金世宗時更置縣始名寧津遷治於縣東北二十五里廢臨津舊縣治爲西保安鎮元初以屬濟南路後隸河間自明至今

景州

河間府志

卷之二

沿革

七

漢修縣地屬信都國後漢屬渤海晉及北魏因之隋開皇五年改曰蓀仍屬信都郡唐武德中置觀州領蓀縣貞觀十七年州廢以蓀隸德州高宗初以蓀改隸信都郡貞元三年析滄州之弓高東光臨津三縣置景州穆宗長慶初州廢明年復以弓高東光臨津南皮屬景城郡太和四年又廢景福元年復置州合滄德隸爲橫海軍五代宋因之金始以蓀縣屬景州景州故治東光元初陞蓀縣爲州後復爲蓀縣至元二年自市遷景州來治蓀明初省蓀惟存景州自元至今並屬河間府開

云景州東有衛河西北有胡盧河漢廣川地不在  
州西南九十里晉東安陵在州東十八里

吳橋

本漢將陵縣屬平原郡後漢省晉以其地爲東安  
陵縣屬渤海郡後魏惟稱安陵縣隋大業中并入  
東光唐初復置安陵縣屬觀州貞觀十七年以屬  
德州景福元年隸景州後周時置保順軍宋太祖  
開寶三年以滄隸二州界保順吳橋二鎮之地益  
焉隸於滄州金世宗初年廢保順軍始以吳橋鎮  
地置吳橋縣隸河間府景州元屬河間路明屬河  
間府今隸屬同於明時

河間府志

卷之二

沿革

八

東光

漢舊縣也自漢至隋爲縣皆屬渤海郡縣有侯井  
弓高地弓高於魏已廢至隋唐時復爲縣唐武德  
四年置觀州治弓高又析東光置安陵縣並屬觀  
州太宗十七年廢觀州以東光諸縣隸滄州德宗  
十一年置景州以東光屬焉周世宗二年廢景州  
爲定遠軍屬滄州宋景德二年改永靜軍金初仍  
爲景州以避諱改州名元初復曰景州至元二年  
始移景州治舊縣而東光爲之屬邑明洪武七年

省東光入阜城十三年復置屬河間景州  
仍舊雍正七年陞滄州爲直隸州移東光屬之九年復還河間府

故城

漢置厝縣晉爲東武城北魏曰武城隋唐置厝亭縣或曰地有歷山故名焉漢時厝屬清河郡後改清河曰甘陵晉隋唐并屬清河或曰故城本蓀縣膏池地也隋隸清河郡厝亭縣唐貞元五年始以其地置故城縣五代石晉時改隸瀛州宋初仍舊金明昌五年廢縣爲上故城鎮省其地入恩州歷河間府志

卷之二

沿革

九

亭縣元初復爲故城縣隸恩州至元三年又省爲故城鎮二十三年復爲縣隸河間路明以縣隸景州屬河間府與元同今仍之

州縣備說

河間縣

今河間縣始置於隋大業初諸志並以爲縣本漢武垣之舊考班史地理志涿郡所列鄭高陽州鄉在北武垣阿陵在南河間記云武垣城有二西武垣城在縣西三十八里故城尚在此秦所置其東北三十里又有一城漢於此置武垣縣時謂之爲東武垣城漢武元封元年巡狩所至處王莽改爲垣翰亭者也按漢時凡郡縣名同而地異者則加東西北南上下以別之歷魏晉皆然故武城有南

河間府志

卷之二

備說

十

北東安陽有西有東平舒有東安陵與若曲陽之分上下蓋馬殷台之並以上下爲名此例也西漢置武垣縣屬涿郡東漢至晉魏隋初並有武垣雖東漢以後並隸河間國與西京之隸涿者不同范蔚宗以下諸志及通考皆但稱武垣未嘗有東武垣之稱則知漢仍秦舊自秦漢至隋所爲武垣者止此一城卽所云其東三十里者是而東武垣乃史文一時偶然所稱猶言武垣之東云爾非於武垣外別有此縣也秦武垣地廣漢析之別置阿武縣東漢并阿武入於樂成自後遂無阿武之名而

東漢晉北魏隋之樂城與武垣並隸河間屬武  
少變樂城武垣西北交境至近昔之阿武隱在其  
間人不復知矣夫隋之別置河間縣而廢武垣非  
盡卽武垣地蓋本割昔阿武之入樂成者合武垣  
地爲之觀北魏書地形志河間郡以武垣爲列縣  
首武垣卽郡治所隋旣立河間縣移河間郡治于  
此自是遂無武垣世未詳考徒見隋移郡治以河  
間爲附郭縣遂謂今之河間本武垣地不知其實  
則兼有并入樂成之阿武地也今之肅寧本漢阿  
武地寰宇記阿武故城在樂壽縣西北三十九里

河間府志

卷之二

備說

十一

古樂壽縣又在今獻縣西十五里以地揆之則舊  
志所稱秦武垣城在郡西三十八里與肅寧志云  
武垣廢城在縣東南十餘里者疑卽漢阿武之舊  
第阿武隱而武垣名顯人不知其阿武徒見有武  
之名遂謬以當武垣久益不辨然則河間記及地  
理諸書凡彼云然恐亦傳誤孟子所歎盡信書不  
如無書耳阿武爲漢河間王子劉豫封國

獻縣

獻縣本西漢河間國治初爲樂成其樂成者東都  
并省郡縣時所更名至金大德中以其爲漢河間

獻王封國獻陵在焉故特名其州曰獻言其地  
載邑令張汝蘊辨云或以獻卽春秋時之獻地  
矣今獻縣兼得漢中水地呂馬童所封東漢李忠  
所封而高祖時以樂成封其功臣節侯丁禮

### 阜城縣

阜城傳爲漢高祖所置縣有二阜城一在渤海一  
屬薊州輿地記云阜城故昌城水經謂漳水又東  
北過阜城縣北又東北至昌亭酈道元注云敘阜  
城於下博之下昌亭之上渤海阜城又在東昌之  
東故知非也此在冀州者地理釋名云本爲阜成

### 河間府志

#### 卷之二

傳說

三

其云城者後所訛矣若河間阜城則昔時渤海屬  
縣耳諸志或合二阜城爲一且以趙封樂毅爲昌  
國君者卽今阜城尤誤之誤夫昌國所封正在昌  
城無與渤海且趙以封樂毅之子樂間不得云毅  
也東漢時世祖功臣王梁定封阜城則國於此及  
宋建炎之際劉豫僭偽易縣爲郡更名阜昌

### 任邱縣

任邱名縣不見於漢晉之世自北魏而上屬涿郡  
者惟有鄭諸志並言任邱木戰國燕之鄭邑而史  
記趙惠文王五年與燕鄭易則似鄭又爲趙地矣

然考古國名記鄭在周時爲燕附庸豈其滅於燕  
取於趙後復以歸燕者歟世傳漢平帝使中郎將  
任邛築城於此卽以任邛名其城於書無所考今  
之任邛蓋始於隋析鄭所置自是以後鄭任邛  
著至明則無鄭而任邛獨存然酈道元水經注沔  
水過安國縣東分爲二水一枝東南流逕解犢亭  
又東南逕任邛城南則似北魏之先已有任邛然  
以地域求之相去尚遠恐道元所云未必卽爲今  
任邛或隋文之世特移其名以置縣於此焉耳至  
地志謂任邛築城巡檢海口互相傳稱爲縣掌故

河間府志

卷之二

備說

三

考漢世無巡檢之文任邛距海且遠尤未足徵鄭  
故城今在任邛北三十里曹魏以鄭封其將張郃

肅寧縣

肅寧舊志謂今縣治在宋熙寧中爲平虜砦景德  
二年更爲肅寧城按平虜砦本宋雍熙中置以爲  
熙寧誤也夫熙寧宋神宗紀元景德真宗紀元神  
宗後於真宗六七十年若景德爲城熙寧爲砦則  
是先城而後砦今旣云先砦而後城則是雍熙非  
熙寧也明矣

交河縣

交河自金欲置獻州乃分樂壽地爲二縣以爲之屬其所謂石家圈者舊志言縣西遺溝尚存晉石季倫常泛舟其處故猶以石圈名云縣舊志指爲漢中水故地郡舊志辨之頗詳今按應仲遠注漢書地志謂中水在滹易二水間故名然滹水至高陽東已與易合爲一水而滹沱漳清皆所經流又不特二水乃知仲遠之言亦未爲信矣今獻縣有中水故城距交河且八十里焉

### 寧津縣

寧津縣舊志以爲古高陽氏地不知何所承又云

### 河間府志

#### 卷之二

備說

古

石晉時割以賂契丹不知是時寧津未隸河間割實不及也爾雅注東光縣有胡蘇胡蘇九河之一漢書許商上言九河亦謂胡蘇在東光隋分東光地置胡蘇縣以此自漢世求九河故道許商僅得其三餘皆未知而杜佑於許商外又得其三則鈎盤馬頰覆釜惟太史簡潔尚無聞然輿地廣記謂簡潔在臨津金史地理志謂南皮縣有潔河縣舊志據之又云鬲津見在東光鬲縣界中寧津卽其地也

### 景州

言地與者多以景州爲漢弓高廣川之舊王兵河  
間郡志并觀津及之屈成霖景州新志旣辨弓高  
屬東光又引元和郡國志謂觀津自唐以來已不  
在今景州封內足証舊州志州西四十里爲竇氏  
青山之失至云德州之曰廣川以晉武改廣川爲  
長河移屬平原故也棗強之曰廣川復並棗強入  
廣川故也景州之曰廣川以廣川來屬故也尤聯  
若指掌要之今景州正得漢渤海郡之修市修縣地  
修讀條條侯周亞夫國世祖功臣杜茂亦侯於條

吳橋縣

河間府志

卷之二

備說

五

吳橋本漢將陵地漢宣帝以封外家史氏晉武於  
此置縣所謂東安陵吳橋志言漢置安陵非也今  
縣東南三十里趙寨鎮北有將陵故城縣西北二  
十里有東安陵故城址並存將陵今山東陵縣距  
吳橋境壤尤近明縣地在昔本屬平原郡矣吳橋  
名鎮者邑人傳爲古大姓吳氏所族居或曰燕吳  
王慕容垂常引兵經此橋故稱吳橋亦無稽焉自  
金置縣至明崇禎初已四百餘歲當城中達隱然  
猶有古堤斷岸之勢掘地者多得方磚巨瓦出即  
埋之父老謂此吳橋處也城外大河南岸舊有橋

傳爲吳橋南頭與城中橋址南北對值相去凡二里

### 東光縣

東光本漢縣並漢弓高縣地昔漢韓王信亡入匈奴後其子贛當降漢文帝封之是爲弓高壯侯其故城在今東光縣順城鄉距縣西北三十里水經注郡國志並云弓高故城在阜城縣西南疑者遂以古弓高當屬阜城不知彼所謂者乃阜城舊縣耳在今阜城東二十里以地較之舊阜城之西南正與今東光之西北相接則明不繫阜城也東漢

### 河間府志

#### 卷之二

備說

六

景丹耿純並從光武定天下光武先侯景丹於東光後徙丹侯別縣而以東光定封純前世謬說有指東光爲春秋時晉東陽地者按左傳襄二十三年齊伐晉取朝歌入孟門登太行趙勝帥東陽之師以追之太行孟門在今懷慶爲古河內地如以東陽爲卽東光則切近齊地反遠在太行之東北矣何以言追杜征南注以爲東陽晉之山東魏郡廣平以北蓋杜當時亦且不能定晉東陽爲必在河間故樂稱魏郡廣平而疏亦止云東陽者寬大

考舊文云魯齊衛晉皆有東陽而地則異據疏如

此則絕非晉東陽而東陽之卽爲齊者可以言也  
且昭公二十二年六月晉荀吳始畧東陽滅鼓子  
又二十餘年晉趙鞅始伐鮮虞鼓與鮮虞在今真  
定則當是時河間之域尚爲燕齊所有地無疑其  
後趙氏分晉肅侯強大至武靈孝成乃多攻取而  
有之安得不審而謂東光爲晉東陽哉

### 故城縣

故城本厝地明馬東田甘陵志言之蓋詳通志乃  
據他書以漢廣川歷二縣當之於其先後更置之  
迹尤畧夫漢廣川今棗強景州地也故城雖與接

### 河間府志

#### 卷之二

備說

七

境然地居棗之東南景之西南初無與廣川隋因  
漢歷置歷亭縣唐之貝州治歷亭宋改貝爲恩州  
金恩州仍治歷亭歷亭者今山東恩縣明洪武二  
年州之所降也故城南與山東武城隣切故漢時  
亦爲東武城郡之舊志淆訛頗衆獨敘故城大畧  
一如甘陵志於事爲得通志不知取此乃以今廣  
平府之清河縣當古厝地惑矣若故城志妄引漢  
武得鈞之夫人於其地而指爲東武垣地則謬蓋  
其意欲以東武城冒武垣又不可不辨也

形勝

因地險易之爲形因形而得其勢之便之爲勝形勝所居大者包域中之全其次郡國之間山川之阻控制之要無不有也河間四封廣博原野塏塉齊魯燕趙之會爲南北要區又當九河故道西北衆水所匯亦天府之國已北屏京師東扼渤海西接常山太行雲屯者在焉然約而論之古今時勢不同形勝亦與時爲輕重故宋世何承矩李允則並因白溝界河與修塘拍以爲阻固仁宗之初瀛莫二州聯雄霸冀滄谷高陽關爲一路都部署領重兵戍守之夏竦上言

河間府志

卷之二

形勝

六

滄州瀕海斥鹵地形沮洳東北三百里野無民居匪賊蹊徑萬一有警可決漳河東灌塘淀隔越賊兵未易衝奔此時瀛州重勢在任邱以北而不在寧津以東者也元至正九年立鎮撫司直沽海口以鎮津門十三年命南北兵馬司各分官一員就直沽往來邏邏二十六年命知樞密院買閭以兵守直沽明永樂二年設天津衛防海萬歷二十五年倭患方棘以大津重地特設水陸二營副總兵又命部院於天津開軍府此時重勢異於宋之北顧而在郡之東境者也

至

本朝 聖治光昭海宇寧謐因地制宜  
分天津爲府責任旣專勢尤鞏密顧衛河自山  
郡境由西南逕東北歷故城景州帶吳橋交河以赴  
天津者轉漕運餽地莫要焉而德州又景之外蔽也  
滹沱漳滏皆大川也合流入郡則深冀乃其上游下  
則滄州屬藩籬之衛崇山高岡盡於西北名川長  
交帶環流形勝之所居在乎是矣舊志所載類聚  
文詞之華今摭舉一二并綴所未及焉

宋史地理志河北路南濱大河北濟幽朔東連海  
岱西壓上黨

河間府志

卷之二

形勝

充

宋李允則議云鄭爲瀛蔽雄州又爲鄭蔽雄州之  
守輕是無鄭也

宋崔遵度三關利害議河間國之左肩大名山東  
之外障

金胥鼎云河間真定之輔車燕齊之機紐

元史河間當水陸要衝四方供億皆取給焉

元張英碑記河間古鎮聯城數十總制千里

太平環宇記云九河之會五壘之居

河間府志北據三關周世宗顯德中置瀛州高陽  
關於河間與雄州瓦橋關霸州益津關並號三

關屯重兵以禦契丹

獻縣志云滹沱繞其前滹水滙其左南爲八省之咽喉北爲神京之屏蔽

故城志前武城後廣川齊魯交於左燕趙隣於右元鄭州圖經地勢廣濶

任邱志地靈而川秀

疆域

河間府

在京師南四百里領州一縣十東至山東濟南府  
海豐縣界三百里南至濟南府德州界二百九十  
二里西至保定府蠡縣界六十里北至保定府雄  
縣界一百三十里自府治至保定省會一百四十  
里東西廣三百六十里南北袤三百四十五里

河間縣

附郭在府治南半里許東至天津府青縣界一百  
里南至獻縣界二十五里西至肅寧縣界十三里

河間府志

卷之二

疆域

三

北至任邱縣界三十五里

獻縣

在府城南六十里東至滄州界一百三十里南至  
交河縣界四十里西至真定府饒陽縣界四十里  
北至河間縣界三十五里

阜城縣

在府城西南一百四十里東至東光縣界三十五  
里南至景州界二十五里西至真定府武邑縣界  
一十五里北至交河縣界三十五里

肅寧縣

在府城西四十里東至河間縣界三十七里南  
饒陽縣界二十里西至蠡縣界二十里北至保定  
府高陽縣界二十里

任邱縣

在府城北七十里東至順天府大城縣界七十里  
南至河間縣界四十五里西至高陽縣界二十里  
北至雄縣界六十里

交河縣

在府城南一百二十里東至南皮縣界五十里南  
至阜城縣界五里西至冀州棗強縣界三十里北

河間府志

卷之二

疆域

三

至獻縣界四十里

寧津縣

在府城東南二百九十里東至山東樂陵縣界五  
十里南至德州界三十里西至吳橋縣界四十里  
北至南皮縣界四十里

景州

領縣三在府城南二百里東至吳橋縣界一十八  
里南至山東德州界三十五里西至冀州棗強縣  
界八十里北至阜城縣二十里

吳橋縣

在州城東五十里府城東南二百里東至寧津縣界二十五里南至濟南府樂陵縣界三十五里西至景州界二十里北至東光縣界四十里

東光縣

在州城東北七十里府城東南一百六十里東至寧津縣界六十里南至吳橋縣界三十里西至阜城縣三十里北至南皮縣四十里

故城縣

在州城南九十里府城南二百八十里東至德州界二十五里南至濟南府恩縣界十八里西至棗

河間府志

卷之二

疆域

三

強縣界五十里北至景州界三十里